

Daegseiq Ranzveiz:

Boux Hojndog Ndeu Baenqndang Baenz Miz

Begloh yienznaeuz gaenq gvaq-bae, hoeng youq ndaw reih gocz vnz Cinminz Cunh Hungzsuij Yangh Yungzsuij Myauzcuz Swciyen, gyoengq beixnuengx Myauzcuz lij nyaengq nyaeb mbawcaz, ndaw gyoengq vnz nyaengqfoed neix miz boux sai byom iq ndeu riuj dwk aendaeh nyaengq soucawx mbawcaz, nyaengq haicienz, de couh dwg Daegseiq Ranzveiz.

Cinminz Cunh Hungzsuij Yangh deng swcigih lied baenz aen mbanj gig hojndog ndeu, daengx mbanj miz 1000 lai ranz, 4200 lai vnz, 99% dwg Myauzcuz, dwg “mbanj Myauzcuz miz cien ranz vnz” caencingq ndeu. Daegseiq Ranzveiz couh dwg mbanj Myauzcuz miz cien ranz vnz neix ndawde boux ndeu, aenvih de beixnuengx lai, daengx ranz vnz ndwenngoenz hoj dangqmaz.

Byaibi bi 2015, aen doih guhhong capyouq ndaw mbanj ginggvaq cingcinj faenbied bingzguj, Cinminz Cunh miz 347 ranz deng bingz baenz hojndog, vnz hojndog miz 1445 boux, Daegseiq Ranzveiz daengx ranz ndaej 62 faen, lij dwg hojndog.

Vihliux gajbienq ndwenngoenz hojndog, Daegseiq Ranzveiz ok rog bae dajgoeng, aenvih mbouj miz saek yiengh dinfwngz ak, gij hong de mbouj onjdingh, dajgoeng souhaeuj mbouj ndaej geijlai, gij cingzgvang ndwenngoenz hojndog ciuqyiengh gajbienq caengz ndaej, hoeng lwgda de cix yawj ndaej gyae lo, rom ndaej haemq lai gingniemh guhhong, cauhnieb. Youq diegrog dajgoeng, Daegseiq Ranzveiz goj gvansim mbanjranz hwnghat, youq mwh roxdaengz hwnq baenz aengiuz caeuq roensuijniz doeng haeuj ndaw mbanj le, de couh miz gij siengjgap dauqma mbanjranz cauhnieb lo.

Bi 2011, Daegseiq Ranzveiz dauqma ranz hainduj cauhnieb, ciengx mou, ciengx vaiz, ciengx gaeq, ciengx bit, de baez yiengh baez yiengh sawq guh, hoeng aenvih mbouj miz gij gingniemh, dinfwngz dajciengx caeuq mbouj roxyiuj hawciengz, gij doengh-duz de ciengx haenx cungj gai mbouj baenz cien, sawq cauhnieb cungj baih liux.

“Aenvih mbouj miz gisuz, dajciengx mboujdan mbouj canh cien, dauq deng laemq cienzgoek dem, gij cienz bae diegrog dajgoeng rom ndaej haenx cungj deng sai liux lo.”

Youq mwh Daegseiq Ranzveiz doeknaiq, mbawcaz ndaw mbanj hainduj haeujdaengz seiz baenz lai



▲ Ndaw doz dwg geij boux beixnuengx Myauzcuz Cinminz Cunh Hungzsuij Yangh Yungzsuij Myauzcuz Swciyen cingq mbit cazcin.

► Ndaw doz dwg Daegseiq Ranzveiz cingq hag ceh caz.

nyaeb sou. Yienznaeuz mbawcaz nyaeb sou ndaej lo, hoeng cix mbouj miz saek aen hozcozse roxnaeuz canggyagoeng ma son daengx mbanj gyagoeng mbawcaz, mbawcaz baenz lai cix “sou mbouj ndaej lai”. Daegseiq Ranzveiz da raen baenzneix, ndaw sim you dangqmaz, yienghneix de couh miz gij siengjgap laebguh hozcozse lo. Hoeng bonjfaenh mbouj sugrox gij dinfwngz gyagoeng mbawcaz, engq mbouj miz gij gingniemh guenjieix mbawcaz. De geiqmaenh gij hit gaxgonq cauhnieb saetbaih, roengz dingh gietsim, ndeindei bae hag, couh cawx gij saw gvendaengz mbawcaz haenx ma gag yawj lo, lij gaenx bae camgya gij ban son dinfwngz ndaem caz, gyagoeng, ceh caz ndaw si, yienh banh haenx dem.

Hag ndaej gij dinfwngz gyagoeng caeuq ndaem caz le, Daegseiq Ranzveiz couh caeuq geij vnz ndaw mbanj doxgap laebbaenz hozcozse lo, couh yienghneix buekguh le geij bi, hoeng aenvih caeuq bouxgapguh siengjgap mbouj doxdoengz, hozcozse souhaeuj mbouj lai, caemh mbouj miz banhgap hawj gij souhaeuj ranz ndaem caz gyalai caeuq hawj gyoengqde haengjheiq bae guenjieix gocz.

“Gou dwg siengj guh gij huq caetliengh sangndei, yienghneix souhaeuj couh lai gvaq, doiq hozcozse hix ndei, ranz ndaem caz goj ndaej cien

lai, hoeng aenvih aeu douzhaeuj haujai cienz bae cawx sezbei, hozcozse mbouj miz geijlai cienz, geij vnz caeuq gou doxgap guh hozcozse haenx mbouj haengj.” Daegseiq Ranzveiz naeuz.

Daegseiq Ranzveiz gietdingh laebguh aen hozcozse bonjfaenh—Aen Hozcozse Ciennieb Ndaem Caz Cunhsiu. Laebbaenz hozcozse le Daegseiq Ranzveiz raen: Gaxgonq aenvih ndaem caz souhaeuj mbouj lai, vnz ndaw mbanj mbouj haengj guenjieix gocz, haujai vnzmbanj engqlj vutvak gocz hawj de bienq nyaengq dem, mbouj cix ok rog bae dajgoeng, mbouj cix youq ndaw reih gocz ndaem gosamoeg, daengx mbanj ndaem caz daj seiz hwnghat ndaem 1500 lai moux, gemjnoix daengz ngamq ndaej nyaeb sou 800 lai moux.

Daegseiq Ranzveiz gietdingh bonjfaenh gag bae guenjieix gij reih gocz deng vutvak neix, gij cienz seiz nyaeb mbawcaz gai ndaej haenx dingz ndeu baen hawj vnzmbanj; dangh-naeuz gij vnz ndaw mbanj ok rog bae dajgoeng haenx dauqma guenjieix, yienghhaenx couh youz vnzmbanj gag guenjieix, Daegseiq Ranzveiz couh guh vnz soucawx. Ginggvaq baenz ranz baenz ranz bae gangfug, gij mbawcaz daengx mbanj nyaeb sou ndaej hoizfuk daengz 1200 lai moux.

Reih gocz menhmenh hoizfuk lo,



hoeng aenvih douzhaeuj lai, lij dwg mbouj miz banhgap gyalai souhaeuj, cijmiz hwnghat aen canggyagoeng bonjfaenh, guh gij mbawcaz gaenq gyagoeng ndei haenx cijndaej miz souhaeuj engq lai. Gangj guh couh guh, Daegseiq Ranzveiz hainduj daigvanj hwnghat canggyagoeng, doengzseiz bae dangjveij, cwnghat dangdieg bauq cienz bangfuz.

Bi 2015, ndaej daengz dangjveij, cwnghat dangdieg bangfuz, Daegseiq Ranzveiz cawx ma gij sezbei gihgai gyagoeng mbawcaz, hainduj baenz gveihmoz gyagoeng mbawcaz. Bi 2016, youh ndaej daengz dangjveij, cwnghat dangdieg bangfuz, douzhaeuj 20 lai fanh maenz ngaenz hwnghat le aen cangjcaz moq.

“Bineix hozcozse guh ok mbawcazhawq 9 dun lai, daiq ndaw mbanj 100 lai ranz gyalai souhaeuj.” Daegseiq Ranzveiz youq ndaw aen canggyagoeng mbawcaz ranz de najrongh dwk naeuz.

Seizneix, Daegseiq Ranzveiz gaenq baenz miz lo, miz 15 ranz ranzhogndog gyahaeuj aen canggyagoeng mbawcaz de lo, de daiq 100 lai ranz vnzmbanj cigsoh gyalai souhaeuj 60 lai fanh maenz ngaenz, doengzseiz yinggyangj daiqdoengh doengh aen mbanj henzgyawj hwnghat 5000 moix mbawcaz.

(Liu Swjyenh raiz Dahdingz hoiz)